

ԱԶԳԱՅԻՆ ՎԵՊ

Մ. ԱԲԵՂԵՑՆԻ

«Սասունցի Դաւիթ» կամ «Մայերի դուռ», Կ. Պօլիս, 1874, և «Դաւիթ և Մայեր», Շուշի, 1889, ժողովրդական պատումներն իրեւ կէս-պատմական եւ կէս-դիւցական հին վէպ:

Ա.

Հայոց ժողովրդական բանահիւսութիւնն ընդհանրապէս աղքատ է համարւում բանաստեղծական արդիւնքներով, մանաւանդ վէպերով. և մինչեւ վերջին ժամանակներս ժողովրդական բանահիւսութեան անծանօթութեան պատճառով կարծում էին իսկ, թէ մեր ժողովուրդը ի բնէ բանաստեղծական չնորհք չէ ունեցել. Մովսէս Խորենացին իրանից առաջ եղած և իւր ժամանակի հակերի համար ասում է, «Որպէս ազմ՝ և առ հինոն Հայաստանիւաց լեալ անսիրելութիւն իմաստութեան և երգարանաց բանաւորաց» (ա. գիրք, գ. գլ.): Բանահիւսական արդիւնքների սովորականիրելութիւնը կրկնած են և շատերը, երբ որ խօսք է եղել մեր հին և նոր ժողովրդական բանաստեղծութեան աղքատութեան մասին: Բայց այս կարծիքը—թէ հակերը բանաստեղծութեան սէր և չնորհք չեն ունեցել—ընդունելով հանդերձ՝ խորհրդածուները զարմանում էին միանդաման՝ թէ ինչպէս կարելի է, որ մի արևելեան հին ժողովուրդը, որ ապրում է Հայաստանի նման բնութեամբ հարուստ մի աշխարհում, չունենար իւր որոշ աստիճանի երևակացութեան ուժը և չ'արտադրէր ստեղծագործական արդիւնքներ: Զարմանքն արդարացի է. բայց եթէ պտուելու լինինք զարմանքի պատճառները, կը տեսնենք, որ բնութիւնը հէնց սկզբից ալնքան էլ չէ զլացել բանաստեղծութեան ձիրք տալու հայ ժողովրդին, որ ալնպէս մնած անտարբերութիւն չէ ունեցել դէպի բանահիւսական ստեղծագործութիւնը, ինչպէս Խորենացին բարկացած ա-

սում է, երբ որ իւր պատմութեան համար չէ գտնում նախնի թագաւորների թողած դրաւոր, պատրաստի վիշտակարաններ:

Ամենից առաջ պէտք է նկատել, որ մեր հին ժողովրդական բանահիւսութիւնը, զրի չ'առնելեալ, մեղ չէ հասել. իսկ ժամանակակից բանահիւսութիւն նկատմամբ՝ մենք չը գիտենք թէ մեր ժողովրդի մէջ աչժմ ո՛քան երգեր և վէպեր կան. մենք ծանօթ չենք մեր ժողովրդական բանահիւսութիւն աղքատութիւն կամ հարսառութիւն աստիճանին. Թէպէսե, որքան լայտնի է, մեր կողիասի ժողովրդի մէջ շատ էլ չը կան հայերէն լեզուավ երգեր և վէպեր, բացի հէքիաթներից, բայց և այնպէս կարծում ենք, որ՝ եթէ մեր ժողովրդի, աւելի տաճկահայերի, բանահիւսական արդիսնքները բոլորը հաւաքելու լինին, զեռ ևս շատ զանձեր կը գտնւեն, որոնց մասին տեղեկութիւն չ'ունինք, և որոնք կարող են մի պատւաւոր հարսառութիւն տալ մեր ժողովրդական բանաստեղծութիւնը:

Հեթանոսութիւն ժամանակի, չը նակելով Խորենացու դանդատին, նոյն իսկ Խորենացու և ուրիշ մատենագիրներից արդէն լայտնի է, որ հայերս ունեցել ենք զիցաբանական, զիւցաղնական և պատմական մեծ վէպեր, որոնք ժողովրդի բերանում կենդանի են եղել մինչև Ե. դարը, երբ որ, թէպէտե քրիստոնեակ վարդապետները հակառակն էին քարոզում, ժողովուրդը դեռ ևս սիրով երգում և լսում էր հեթանոսական ժամանակի վիպասանութիւնը և հաւատում էր նորան. Ազդ վէպերը մինչև Ժ. և ԺԱ. դարերը բոլորովին չեն մսուացել, ազ շարունակել են պատմել, եթէ ոչ ամբողջութիւնամբ, զոնէ հատ ու կտորներով. Բայց հէնց ալդ ժամանակներից սկսած, չորհիւ պատմական հանգամանքներին, հազ ժողովրդական բանաստեղծութիւնը հնատղհետէ ընկնում է, հին վէպերն ու երգերը մոռացում են և նրանց տեղ նորերը չեն ստեղծուում, և եթէ ստեղծուում էլ են՝ ոչ առաջինների չափ և նրանց գեղեցկութեամբ, մինչև որ ժողովրդական բանաստեղծութիւնը, ալպէս աղքատանալով, արդի դրութեամբ հասնում է մեղ:

Սորա պատճառները զլիսաւորապէս պատմական չորս հանդամանքների մէջ կարելի է տեսնել. ա)՝ աղդամին կեանքի նեղ վիճակը, բ) օտար լեզուների տիրապետութիւնը հազոր լեզուի վերակ, գ) քրիստոնէութեան ազդեցութիւնը և դ) գաղթականութիւնը:

Ամենահին ժամանակներից սկսած, երբ որ մեր աղջը նոր էր մտնում իւր բանահիւսութեան զարգացման պատմական շըրջանի մէջ, երբ որ նոր ստեղծած պատմական վէպերի հետ հին դիցաղնական վէպերը ժողովրդի բերանում դեռ ևս կենդանի էին մնում, լայտնի է, որ մեր ժողովրդը շարունակ ենթակաց է եղել անպիսի զըժքաղդ հանգամանքների, որոնք թուլ չեն տւել, որ նա մի փոքր թեթև շունչ առնէ և աղատ բոպէներ ունենալ իրական աշխարհից մի փոքր վեր՝ գաղթակարական աշխարհը բարձրանալու ժողովրդն ալնքան նեղ, ճնշւած

և աղքատ վիճակի մէջ է եղել, որ առօրեաւ կեանքի հոգսերից աչք չէ բաց արել և հոգեսր սփոփանքի վերալ մտածելու միջոց չէ ունեցել: Միւս կողմէց՝ զիւցաղնական և պատմական վէպերի համար հարկաւոր է իրական կեանքից վերցրած սիրագործական նիւթ, հարկաւոր են ժողովրդական հերոսներ. իսկ մեր պատմական կեանքը, մանաւանդ միջին և նոր դարերում, արդեօք տւշէ հերոսներ, որոնք արժանի վլնէին ժողովրդի ընդհանուր սքանչացմանը, և ժողովրդին իւր չափշակութեան րոպէներում հիանալով պատմէր և երգէր նրանց արարքների մասին: Մեր պատմութեան մէջ միան հեծեծանք, աւերմունք, մատնութիւն, պարտութիւն և գերութիւն ենք տեսնում: հազիւ անգամ մանր քաջագործութիւններ, մեծ մասամբ տիսուր ու ցաւալի դրութիւն, որ կարելի է միան լուռ մրմունջներով սպալ, և ոչ պանծալի զիւցաղներգութեան նիւթ շինել: Եւ մենք իրօք տեսնում ենք, որ միջին զարերի և նոր ժամանակների ժողովրդական բանաստեղծութիւնը հարուստ է աւելի մանր ողպական երգերով:

Օտար թաթարական և թիւրքական տարրի ճշշումն և աղքեցութիւնն այնքան է եղել մեր ժողովրդի վերալ, որ նոյն իսկ հավերէն լեզուն, քիչ է մնացել, որ առնելի ժողովրդի բերնից, և եթէ չէ առնել, լեզուի բանաստեղծական, զեղեցիկ կողմն առնել է, և մնացել է այն, որ առօրեաւ նիւթականին է վերաբերում: Ժողովուրդը, չունենալով իւր սեպհական սըխրագործութիւնները երգելու համար նիւթ, իւր չնչին ինդութիւններն ես, սէրը, սկսել է երգել օտարին նմանելով, որովհետև ինքն իւր նեղւած կեանքի մէջ վետ է մնացել և եթէ երբէք աչքը բաց է արել մէկ մէկ և ուզել է լաւանել իւր սրտի զգացմունքը, տեսել է, որ իւր հետ ապրող օտարն արդէն վալուց լավոնել է նոյնը և աւելի զեղեցիկ կերպով. ինքն ես այն ժամանակ ակամաց ենթարկել է օտարի աղքեցութեանը, ակամաց սկսել է նմանել օտարի արտավագութեան եղանակին: Այս ենթարկութիւնն ու նմանողութիւնն այն աստիճանին է հասել, որ արտավագութեան լեզուն անգամ մեր ժողովրդին օտարից է վերցրել, որովհետև օտարի լեզուն իւր մալբենի լեզուի չափ ծանօթ է եղել իրան. և այս նորա համար, որ իւր լեզուն բանաստեղծութեան համար չափ վետ է մնացել, այն ինչ օտարինը զարգացած է եղել և ունեցել է բազմաթիւ պատրաստի ձևեր: Ո՞վ կարող է ասել, որ մեղանում եղած այն բազմաթիւ երգերն ու վէպերը, որոնք ընդհանուր են հավին և թուրքին, մեծ մասամբ հայ մարդու մտքից չեն ստեղծել, միայն օտար եղանակով և լեզուով: Միթէ մեր աչքի առաջ նոյնը չէ կատարում, որ հայը թուրքերէն է իւր զգացմանքներն երգում, որ ամբողջ հայ զիւղը հաւաքւում է ականջ դնելու հայ աշուղի թուրքերէն լեզուով պատմած վէպին: Ինձ պատահել է հարցնել մի հայ աշուղի թէ ինչու նա՝ հայ մարդ է՝ և իւր երգերը հավերէն չէ ասում:—Որովհետեւ, պատասխանեց նա, —հավերէն լաւ չի դուրս գալիս, իսկ թուրքերէն թէ լաւ է լինում և թէ հեշտ եմ

հանում:—Ահա ժողովրդական բանաստեղծութեան աղքատութեան ակըն. ջատանի պատճառը, այն՝ որ ժողովրդական լողուն լեռ է մնացել իւր զարդացման մէջ:

Հալոց լեզուն տիրապետող է եղել միայն ընտանիքի մէջ, բայց ընտանիքի մէջ էլ կեռջ բերնով չեն արտասանւում բանաստեղծական մնջերգեր և վէպեր. կինը այր մարդուն հաւասար չէ եղել բանաստեղծական և առհասարակ մտաւոր արդիւնքների մէջ. դորա համար և մենք ունինք կանանց չօրինած միայն փոքր և թեթև երգեր, չանգիւլումներ և այլն, որոնք հաւերէն լեզուով են:

Բայց եթէ նոր բանահիւսական ստեղծագործութիւններ չէ արել մեր ժողովուրդը, զոնէ հին վէպերը պիտի պահէր բերնէ բերան աւանդելով. Դորա համար պէտք է ասել, որ հին վէպերի (հիթանոսութեան ժամանակի) ժամանակը և մեր ժամանակը երկար միջոցով է բաժանւած. որքան և ժողովրդի լիշողութիւնը զօրեղ լինէր, նրանք դարերի ընթացքում դարձեալ մոռացութեան պիտի տրտէին, չը նորոգելով ժամանակակից տարրերով, մանաւանդ որ մեր պատմութիւնից լաւտնի է թէ կրօնաւորական դասը ինչպէս թշնամաբար է վերաբերւել հիթանոսական ժամանակից եկած ժողովրդական, բանահիւսութեան արդիւնքների նկատմամբ: Կրօնաւորներն ամենայն ջանքով աշխատել են մոռացութեան տալ ժողովրդին հիթանոսական լիշատակները, դժբաղդաբար առանց գրի առնելու. և այդ մեծ մասամբ լաջողել է ճրանց, մանաւանդ որ մեր ժողովուրդը Յ. դարից սկսած հաստատ կապերով ամրացած է եղել եկեղեցու հետ: Սակայն եկեղեցու այդ ազդեցութիւնը բոլորովին ոչնչացնող դեր չէր կարող կատարել. նորա ազդեցութեան տակ հին վէպերը մասամբ կարող էին քրիստոնէական ձև ստանալ և դարձեալ կենդանի մնալ, եթէ չը լինէր մի ուրիշ հանգամանք—դաղթականութիւնը:

Որպէս զի մի հին պատմական երգ կամ վէպ կենդանի մնալ, հարկաւոր է, որ նոյն խակ ժողովուրդը մնաք իւր տեղում, իւր հողի վերակ վէպի անցքը, իրողութիւնը, սերա կերպով կապւած է իւր աշխարհագրական տեղի հետ: Մեր ժողովուրդը մի փոքր գաւառում անգամ, չենք կարող ասել, որ ամեն մի զարում չէ տեղափոխել տեղից տեղ, թէ Հալաստանի մէջ մի գաւառից միւսը և թէ հայրենիքից զուրս դէպի օտար երկիրներ և դարձեալ նորից դէպի իւր հայրենիքը: Մենք չենք կարող մի գաւառ, քաղաք կամ գիւղ անգամ ցոյց տալ, որի բնակիչները վկաչէին իրանց երեքհարիւր տարւակ հնութեան մասին: Մենք շատ ունենք քաղաքներ և գիւղեր, որոնց անունները հին են, բայց բնակիչները միշտ փոխել են, հները գնացել են, և նորերը եկել: Քանի քանի գիւղեր կան, որոնք իրանց կողքի մի աւերակ չը գիտեն թէ ինչ է, թէպէտ և ալճանդի բնակիչները բաւականի հնութիւն են վկացում: բայց նրանք ինչքան և հին լինէին, նրանց նախնիքները նոյն գիւղում եկել բնակւել են, երբ որ աւե-

րակն արդէն աւերակ է եղել, ապա թէ ոչ, անկարելի էր, որ ժողովրդի մէջ կենդանի չը մնար աւերակի վիշտակը: Խնչու ժողովրդի մէջ, իւր կրած լեղափոխութիւններից իւսու անգամ, զեռ կենդանի են հեթանոսական հաւատալիքները, իսկ աւերակի վիշողութիւնը պիտի մեռնէր:—Միայն նորա համար, որ հեթանոսական վիշտակը տեղի հետ կապւած չէ, ժողովուրդն ուր զնում է, իւր հետ տանում է, իսկ աւերակն ախճիսի վիշութիւն է պահանջում, որ կապւած է աշխարհագրական տեղի հետ:

Այսպէս և դիցաղնական, պատմական վէպը կապւած է իւր տեղի հետ. տեղից բաժանւեցաւ թէ չէ, չի անցնիլ երկար ժամանակ, որ վէպը կամաց կամաց մոռացութեան կը արսի և կամ կը դառնայ այն բաղմաթիւ դիցաղնական հէքիամթններից մէկը, որոնք ըլջում են մեր ժողովրդի մէջ, և որոնք սկզբնական ձեռվ անշուշտ մի մի դիցաղներգութիւններ են եղած:

Եթէ մեր երկրում կաչ մի գաւառ, որ սակաւ գաղթականութիւն է ունեցել, գոնէ պատմութեան մէջ չէ վիշտում, այդ Տօրոսեան լեռների ճիւղերն են, իրանց անմատչելի դիրքով, —Սասուն, Շատախ, Մոկաց երկիր: Եթէ Հակաստանում կաչ մի տեղ, ուր աւերմունքն ալճքան մուտք չէ դործել, և ուր ազգապին անկախութեան կտրիճ ողին կենդանի է մնացել քիչ ու շատ, —մեր պատմութեան մէջ վիշտում են Սասունը և Տօրոսի լեռները՝ Վանակ լճի հարաւալին կողմերում, ուր հային զրացի է միայն քուրզը, որ չէր կարող հայի վերաչ այն բարուական ազդեցութիւնն ունենալ, ինչ որ թուրքը: Եւ ահա մենք զարմանքով տեսնում ենք, որ ազգապին ժողովրդական բանաստեղծութեան կենդրոն են հանդիսանում այն կողմերը, որոնց հայ բնակիչների մէջ պտտում են թէ նոր չօրինւած և թէ հեռաց աւանդւած շատ երգեր և վէպեր: Սասունցիք ունեցել են իրանց վէպերի համար նիւթ, որովհետեւ նրանք հերոսական կուիներ են տեղ թաթարների և թուրքերի դէմ: Սասունցիք և Մոկացիք պատել են իրանց բանաստեղծական լեզուն, որովհետեւ թուրքի ազդեցութեանը շատ չեն ենթարկւել: Նրանք պահել են իրանց հին վէպերը, որովհետեւ իրանց հարդենիքում են մնացել և, չնորհիւ իրանց երկրի ամուր դրութեան, աւանձնացած կեանք են վարել և պահպանել են ազգապին առանձնութիւնները:

Բ.

Հնութիւնից եկած մի դիցաղնական ընդարձակ վէպի մնացորդ է և Հակաստանի այդ մասում բնակւող ժողովրդի բերանում եղած Աբամելիքի, Դաւթի և Մհերի վէպը: Այդ վէպի սկիզբը շատ հին պէտք է եղած լինի, մինչեւ անգամ քրիստոնէութիւնից շատ առաջ. և պէտք է նա բաւականի ընդարձակութիւն ունեցած լինի, քանի որ նորա արդի դրութիւնն իսկ աւելի մեծ ընդարձակութիւն է ցոյց տալիս, այն է, ինչպէս ասում

ևն, այդ վեպը բաղկացած է քառասուն ճիւղից և պատմում է Արամելիքից ու Սանասարից միսած որդեց որդի պալազատող իշխան զիւցազունների պատմութիւնը՝ մինչև անժառանգ Մհերը, որով վերջանում է դիւցաղներպատիւնը։ Ափանս որ վէպի բոլոր ճիւղերը, որոնց թիւը ժողովորդն իւր սիրած քառասունին է հասցնում, իրանց վարիաններով չեն հաւաքած։ մնաք ոնինք միան վէպի սկիզբը՝ Արամելիքը և Սանասար (հ. Սըրուանձու վարիանտում), այնուհետեւ Մելքիսէթ քահանակի և Բաղդասարի անունները միան, որ, մեր վարիանտի պատմող Մոկացու ասելով, առանձին ճիւղեր են, թուլան Գաւթից մի փռքրիկ հաւաքած և թլօր Գաւթի և Մհերի պատմութիւնը։ ընդամենը վեց ճիւղ, որոնցից երկուսի միան անունները, իսկ վէպի սկիզբն և վերջը բաւականի ընդարձակ։ Թէպէտ և աղպակս աղքատիկ հաւաքածու է, բայց այդ աղքատութեան մէջ ես երեւում է վէպի հնութիւնն և ընդարձակութիւնը։ Վէպի նիւթը հետեւան է։

Բաղդազու հզօր խալիֆան արշաւանքներ է անում Հայաստանի վերակ։ Նա մի արշաւանքի ժամանակ գերի տարած մի հակ աղջկակ հետ ամուսնանում է և նորանից ունենում է երկու որդի՝ Արամելիք և Սանասար։ Խալիֆան ուղարկում է իւր որդիներին զո՞ն մատուցանել իւր մեծ կուռքին։ Նրանք իրանց մօրից իմանում են այդ և փախչում են Հայաստան։ ղիմում են Արզրումի և Կարսի ամիրաններին, որ իրանց ընդունեն, բայց նրանք Բաղդազու խալիֆանոց վախենալով չեն ընդունում։ վերջը դիմում են Կապուտկողի թագաւորին, որը նրանց ընդունում է իւր ծառակութեան մէջ։ Առ ժամանակ անցնելուց վետով, թագաւորը երկու եղբայրներին տալիս է քառասուն տուն ժողովուրդ և թողի է տալիս, որ նրանք դնան կանգնեն իրանց բերդը, որի հիմքը՝ դրել էին իրանց փախստից վետով, զեռ ամիրաններին չը դիմած, և այնտեղ բնակեն։

Բերդը կանգնում են։ թագաւորն իւր աղջկան տալիս է Արամելիքին և քեւակ թորոսի հետ զալիս է երկու եղբայրների բերդը, որի անունը գնում է Սանսուն—Սասուն։ Երկու եղբայրները հետազնեաւէ տիրում են Սասունի շրջակակ երկիրներին։ Արամելիքը սպանում է Մսրակ թագաւորին և ամուսնանում է նորա կնոջ վերակ, որից, զեռ Մսրակ թագաւորին չը սպանած, ապօրինաբար սնեցած է լինում Մսրամելիք որդին։ Մսրամելիքը մեծանում, նստում է Մսրում, իսկ Արամելիքը՝ Սասունում։ Սանասարը, քանի զեռ Արամելիքը Մսրում էր նստում, վերազառնում է Բաղդազ, և սպանում է կռաստան մէջ իւր հօրը, երբ որ սա իւր մեծ կոքին երկրպագութիւն էր տալիս, և ինքը նստում է հաղդաղում։ Արամելիքը կապուտկողի թագաւորի աղջկանից ունենում է մի քանի որդի, (Ցռան Վէգի (Վէրգօ), Զէնով Յովան, Ճնճղափոքրիկ, Խորդուսան), որոնց մէջ ամենից փոքրն ու զօրեղը Դաւիթն է։

Աղդապին վէպի առաջին ճիւղի բոլորանդակութիւնն ակս է, այնուհեաւ

դալիս է միւս ճիւղը՝ Դաւիթը, որից երկու վարիանտ ունինք. մննք կը բերենք երկու վարիանտից միացրած համառօտ բովանդակութիւնը.

Դաւիթը երկրորդ վարիանտում Արամելիքի որդին չէ, ազ նորա սերունդից է. Զէնով Յովանը և Յուան Վէրգօն նորա հորեղբաշներն են. իսկ Մսրակ քաղաքի իշխող Մսրամելիքը Սասունին թշնամի մի տիրապետ է: Դաւիթի հայրը մեռնում է. մազը գնում է Մսրամելիքին, Մսրակ քաղաքի իշխողին: Զէնով Յովանը Դաւիթին տանում է իւր մօտ: Դաւիթը, դեռ երեխալ, գուրզ խաղալու ժամանակ Մսրամելիքի ձգած գուրզը բռնում է և նորան ամօթով թողնում: Մսրամելիքը Դաւիթի վերակ կատկածում է, և մայրը նորան իւտ է ուղարկում Սասուն, Զէնով Յովանի մօտ¹⁾:

Զէնով Յովանը Դաւիթին գառնարած է կարգում. նա գալլ, աղւէս, նապաստակ հաւաքում, խառնում է գառներին, բերում քաղաք: Յետոյ նա հորթարած է դառնում (Տ. Արուանձտ. վարիանտ) և ընկերութիւն է անում ռամկի հորթարածի հետ: Մէկ օր նա գնում է ռամկի ցասման ժամի հարիսավի կաթսան ամբողջ վերցնում, բերում է իւր եղբայր հորթարածի համար, որ չէր կերել հարիսավից. Նորա բացակալութեան ժամանակ քառասուն հարամի դեր գալիս, հորթերը չափշտակում, տանում են. Դաւիթը հորթերի հետքով գնում է դեմքի ալրը. բոլորին կոպալով կոտորում է. միւս օրը քեռի թորոսի հետ նրանց կողոպուտ վերցրած բոլոր կարողութիւնն ալրից հանում է: Դաւիթին նախրորդ են դարձնում. նա մեծ մեծ գաղաններին է հաւաքում, բերում քաղաք. քաղաքացիները վախենում են և նրանց խնդիրքով Զէնով Յովանը Դաւիթին նախրորդութիւնից հանում է, և տանը հիւրընկալ է կարգում: Դաւիթը չէ կատարում Զէնով Յովանի կնոջ՝ Սառի կամքը և սորա զրպարտութեամբ Զէնով Յովանը նորան տնից դուրս է անում: Նա ապրում է մի պառաւի մօտ, որ իւր հօր սիրականն է եղած, և որսորդութեամբ է պարապում:

Ազդ ժամանակ Մսրամելիքն ուղարկում է Կողբաղնին (Խօլբաշի), որ ազատ Սասունից հարկ առնէ: Դաւիթը, պառաւի խորհրդով, Կողբաղնի մարդկանց կոտորում է և Կողբաղնին խալտառակաբար ճանապարհ է դեռում դէպի Մսրամելիքը: Մսրամելիքը զօրաժողով է լինում, և գալիս է Սասուն վերակ: Դաւիթը Զէնով Յովանից զօրով ստանում է իւր հօր «Սարութակ բանձրիկ Աստուարածին, խաչ-պատարազին, ինչ վար աջ թերին, Գուռուկիկ-Զալալին, թուր կէծակին, գլխու գետին, կապէն խաբուկին,

1) Հ. Արուանձտեանի վարիանտով՝ Մսրամելիքը Արամելիքի յանձնաբարութեամբ է, Արամելիքի մակից յետոյ, Դաւիթին և նորա եղբայրներին, երբ մեծ եղբայր, տանում իւր մօտ պակերու. բայց քեռի թօրօսը, իւր աւելի մեծ իրաւունքի տէր, գնում է, նրանց բերում է Սասուն: Այնտեղ ևս Մսրամելիքը կսկիածում և վախենում է Դաւիթից, որ իւր դիւցաղնութիւնը ցոյց է տալիս Մորամելիքը թըր տակով չ'անցնելովը և իւր ոյժովը:

քամարն ի մէջքին», և մնակ դուրս է գալիս Մսրամելիքի դէմ կռւի: Ճանապարհին լողանում է իւր հօր կաթնաղբիւրում և կատարեալ դիւցազնի փոխուում, ապա իւր ուժը ճանապարհին տնկւած երկաթէ սեան վերաչ փորձելուց ժամու, սարի վերափց Մսրամելիքի բանակին երգով իմաց անելով, յարձակում է զործում և կոտորածն սկսում: Զօրքի միջից մի ալեոր խորհուրդ է տալիս Մսրամելիքի հետ մնամարտել և իրանց չը կոտորել, որտեղնուա Մսրամելիքն իրանց զօրով է կոյիւ բերել: Դասկիթը գնում է Մսրամելիքի կանաչ վրանը: Մսրամելիքին զօրով քնից հանում են. նա Դաւթին հիւրասիրում է (Տ. Ար. վար.), բայց վերջը ձգում է առաջուց պատրաստած թակարդի մէջ:

Զէնով Յովանը երազի մէջ իմանում է Դաւթի նեղ դրութիւնը և Սև ձին նստելով մի ակնթարթում ելնում է սարի գլուխը, որտեղից բարձր ձայնով Դաւթին հասկացնում է խաչ-պատարազինի գերբնական զօրութիւնը: Դաւթի հորից դուրս է գալիս և Մսրամելիքի հետ մնամարտելով, նորան սպանում է և տիրելով Մսրազ քաղաքին, նստում է անտեղ:

Զէնով Յովանը Դաւթի համար նշան է զնում Զմշկիկ Սուլթանին. բայց այդ ժամանակ կաղղուանու տիրոջ աղջիկ խանդութ խաթունը, որ աւելի գեղեցիկ էր, երկու զուսան է ուղարկում, որ իւր գովքն անեն Դաւթի մօտ և Դաւթիթը գալ իրան ուղիւ Գուսանները գալիս են Սասուն և Խանդութ խաթունին գովում: Գուսաններին ծեծում են և Սասունից դուրս քշում. նրանք հօտաղներից խմանում են, որ Դաւթիթը Մսրում է, գնում են Մսրազ քաղաքը: Դաւթիթը, լսելով Խանդութ խաթունի գովքը, գալիս է Սասուն և իւր հօրեղբօրը բացոնում է, որ Խանդութ խաթունին պիտի ուղէ: Նա ճանապարհ է ընկնում դէպի կաղզուան. ճանապարհին երկու անդամ լծուում է գութանին և գոմէշների փոխանակ ինքը քաշում է գութանը: Երբ որ Դաւթիթը հասնում է Կաղղուան և Խանդութ խաթունը պատուհանից նշան է տալիս Դաւթին, միւս հարսնախօս փահլուանները նախանձում են Դաւթի վերաչ և խնջուքի ժամանակ ուղում են նորան սպանել, բայց չի լաջողուում: Դաւթիթը նրանց սպանում է: Նա գժաւում է Խանդութ խաթունի հետ և ուղում է իւր քաջութիւնը ցուց տալ Խանդութ խաթունին. թշնամինները, Հալաբազ թագաւորի առաջնորդութեամբ, պաշարում են կաղղուանը. Դաւթիթը լաղթում է նրանց: Թշնամինները խաբէութեամբ Սասունից բերել են տալիս Ցռան Վէրգօչի որդի Պարոն-Աստղկին, որ Դաւթի հետ կուի. Դաւթին ակամաչ սպանում է Պարոն-Աստղկին:

Խանդութ խաթունն և Դաւթիթն ամուսնանում են և ճանապարհ են ընկնում դէպի Սասուն: Զմշկիկ Սուլթանը դալիս է Դաւթի առաջ և ուղում է իւր անպատութեան վրէմը կուով առնել Դաւթից: Դաւթիթը նորանից ութ օր միջոց է ուղում, որ իւր կնոջը տանի Սասուն և նոր գաչ:

կոիւ անի, և երդւում է խաչ-պատարաղինի վերալ. բայց Նա Սասունում ուժ տարի շարունակ մոռանում է իւր տած երդումը:

Ծնւում է Դաւթի որդի Մհերը, որի մի ձեռքը խփուած է. միայն հայրը կարողանում է բանալ որդու խփուած ձեռքը, որի մէջ մի կաթ արիւն է լինում: Մհերը զիւցաղնաբար արագ մեծանում է և երեխալութեան ժամանակ իսկ պատիժ է զառնում Սասունցիների զլիին: Նա հօրը չէ ականջ գնում: և երբ հայրը նորան մի ապտակ է խփում իւր շինած կամըր-ջոկ Սասունցիներին նեղելու համար, նա, ուժ տարեկան հասակում, հօր հետ կոիւ է մտնում: Հայրը նորան անիծում է, որ զաւակ և մահ չ'ունենալ, և տեսնելով, որ խաչ-պատարաղինն իւր թեփ վերալ սեացել է, վշում է Զմշկիկ Սուլթանին տած երդումը և գնում է նորա մօտ: Զմշկիկ Սուլթանը նորան սպանում է, և տեսից ծածուկ խփելով կրակացրած գութանի խոփով, երբ որ նա աւազանում լողանալուց վետո դուրս եկել, շորերն էր հազնում: Խանդութ խաթունը թոն է խմում և մեռնում¹⁾:

Մհերին Զինով Յովանը զուրս է անում Սասունից: Նա իւր հօրն ու մօր զերեզմանների վերակ լաց է լինում և նրանց ուրականների խորհրդով ճանապարհ է ընկնում դէպի Հալաբակ քաղաքը: Ճանապարհին պատահում է Գոհար խաթունի մօրը, որ խոստանում է իւր աղջիկը տալ Մհերին: Մհերն և Գոհար խաթունը կոտորում են Հալաբակ թագաւորի բանակը, որ եկել էր Գոհար խաթունին թագաւորին կնութեան տանելու: Գոհար խաթունի մահից հետո Մհերը շարունակում է փահլուանութիւն անել. բաց վերջն ինքն ևս ձանձրանում է իւր կեանքից, որովհետեւ իւր չափազանց ովժից ոտները խրում էին զետնի մէջ և որսորդներն ու ուրիշ փահլուանները նորան նեղում էին: Նա Խլաթակ արքի տակ երկար տարիներ աղօթք է անում Աստուծուն և Աստուած նորան մարմնաւոր կերպով ձգում է Վանակ ալիր, ուր գտնում է մինչև ալժմ կենդանի:

Ք.

Մ. Խորենացին իւր պատմութեան ա. գրքի բ. զիմում վիշտակում է. «Իւրաքանչիւր տանց առանձնականութեանց... գտանին ամբաւ զրուցաց մատեանք, մանաւանդ որ ի սեփական իշխանութեան պահպատու-

1) Հ. Սրուանձտեանի վարիանտով՝ խլաթցիներն են Դաւթի առաջ դուրս գալիս, երբ Դաւթը Խանդութ խաթունի կետ Սասուն էր գալիս: Դաւթը խլաթցիներին երդում է, բայց սխալւելով, փոխանակ սանրի վերայ երդւելու, ու նշանի վերայ է երդում: Խլաթցիները նեղն են լծում Դաւթին. և եղբ Դաւթը, նրանց ձեռքից փախած, լողանում էր Լօփօրայ ջրում, Աբամելիքի ցեղից (ապօրինաբար ուրած) մի աղջիկ թաքիացած տեղից նետով խփում, սպանում է նորան: Մհերն, իւր մահւան վրէմն առնելու համար, աւերում է Խլաթը:

թիւնու Խորհնացու ալս խօսքերից երեւում է, որ Ն. դարբամ դրեթէ մեր բոլոր նախարարական տներն ունեցել են իրանց առանձին պատմովթեան գրաւոր մատեաններ, որոնց մէջ զրւած են եղել իշխանական տների մասին զրոյցներ, նրանց իրար հետ ունեցած կոխներն ու զաշինքները և ինչ որ վերաբերում է նախարարական տների պատմատովթեան (Հաջորդութեան)։ Մեր նախարարական տների շատերի ծագումն աղնքան հին է եղել, երբար Հայաստանում զրի գործածութիւն ամենելին չէ եղել. Կթէ և. դարբամ դրւած են եղել նրանց մասին զրոյցներ, ալդ զրոյցների հին մասն անշուշտ պիտոի վերցւած լինէին ժողովրդի և իրանց՝ աղնւական տների մէջ եղած բերանացի աւանդութիւններից։ Թէ իշխանական տների մասին բերանացի վէպեր եղել են մեղանում, ալդ արդէն չափնի է, բայց ալդ վէպերից Խորհնացին իւր պատմութեան մէջ հատւածներ է բերում միայն այն վէպերից, որոնք վերաբերում են թագաւորող հարստութեանը կամ Արարատական մեծ իշխանական տանը. իսկ մասնաւոր նախարարական տների համար նա բաւականանում է վիշելով միան համառօտ խօսքերով նրանց ծագումը, առանց չափնելու, սական, թէ ո՛րտեղից է վերցնում, թէպէտե տեղ տեղ նա ակամպի, կարծես, ստիպում է ցոյց տալ, որ նախարարութիւնների ծագումը և նրանց պատմութիւնն ես վերցնում է բանաւոր աւանդութիւններից։

Ազգիսի մի աւանդութեան կտոր նա բերում է Արծրունեաց մասին. «Թողում զառասպեկեացն բաջաղանս, որ ի Հաղամակերտոին պատմին. մանկան նիրենելու անձրեւ և արև հակառակինալ, և հովանի թոշնոյ պատանւոն թալկացելով» (բ. գր. է. գլ.). Նոյն Արծրունեաց և Աղձնեաց բղեշուութեան ծագման մասին Խորենացին, իրրև թէ Մարարասից քաղելով, ասում է. «Զոր (զՍենեքերիմ արքայ Ասորեստանեալց) սպանեալ որդւոց նորա Ազրամելայ և Սանասարաչ, եկին փախստական առ մեզ. ցորոց զմինն արեմտից հարաւու աշխարհիս մերով, մերձ ի սահմանու նորին Ասորեստանի, բնակեցուցանէ Ակարորդին մեր քաջ նախնին, ապինքն զԱնասար. և ի սմանէ սերեալ լցին զՍիմն կոչեցեալ լեառն. իսկ պերճքն և գլխաւորքն ի նոցանէ լիտոյ ուրեմն մտերմութիւն վաստակոց առ թագաւորս մեր ցուցեալ, բղեշուութիւն կողմանցն (Աղձնեաց բղեշուութիւն) արժանացան առնուլ. Իսկ Արգամելանն (Արգամել) հարեելից հարաւու նորին կողմանն բնակեալ, ի սմանէ, ասէ պատմագիրն (Մարարաս) լինել զԱրծրունիս և զԳնունիս» (Խոր. ա. գր. իգ. գլ.). Մի ուրիշ տեղում ասում է. «Զնարաշան ի տանէ Սանասարաչ հաստատէ բղեշմ մեծ և կուսակալ կարեմտից հարաւու, եղեր սահմանացն Ասորեստանի, առ ափն Տիգրիս գետով, զաւառս պարզելով զԱբրձն, որ շուրջ զնովաւ, և զլիառն Տաւրոս, ուր և Սիմ, և զկցեսուրն ամենաչն» (բ. գր. ը. գլ.).

Արգամելի և Սանասարի Հայաստան զալու մասին չիշատակւած է և Աստուածաշնչի մէջ. «Մինչդեռ երկիրապանէր (Աւնեքերիմ արքայ) ի

տան Նեսրաքայ աստուծու իւրում, Աղբամելէք և Սարասար որդիք նորահարին զնա սրով, և ինքեանք զերծան կերկիրն Արարատար (Չորր. թագ. Ժ. Ք. 37). Ս. Գրքի և Խորենացու պատմութիւնը գրեթէ նոյնանում են անոններով. Սարասար միմնոյն Սանասարն է, իսկ Աղբամելէքը—Աղբամել, որ Խորենացին մի քիչ ներքեալու Արգամոզան է անուանում, որ կամ Աղբամելի աղաւաղումն է, կամ ուրիշ կոչումը.

Ակսպէս Խորենացուց մենք ունենք Աղձնեաց բղեշխութեան և Արծրունեաց ծագման պատմութիւնը. Աղձնեաց բղեշխուրը Սանասարի, իսկ Արծրունիք Աղբամելի սերունդներն են և բնակմալ են Սիմ սարում և նորա հարաւայն արևելեան կողմերում.

Աղձնեաց բղեշխուրի աշխարհը մեր պատմութեան մէջ լալտնի է Աղձնիքը, որի հիւսիսային կողմը կտրտւած է Տօրոսեան լեռներով, որոնց մէջ է գտնում Սասունը, Սիմի հարաւային կողմում. իսկ Արծրունեաց երկիրն աւելի արևելք է ընկնում, Վասպուրական աշխարհում: Բայց, ինչպէս երևում է, Արծրունիք էլ սկզբում աւելի արևմուտք, Աղձնեաց սահմաններում էին ընակւում, ինչպէս գրում է Խորենացին՝ «Կարսելից հարաւող նորին կողմանն», աւսինքն Սիմ լեռան: Թումա Արծրունին գրում է. «Ու առն ընակութեան նախնեաց նոցա (Արծրունեաց) Աղբամելակ և Սանասարակ Արզն (ՔԱրզն) կոչեցին Արծրունիք» (Կ. Պ. ապ. եր. 4 6). Ակս ցուցմունքներից երեւում է, որ, ինչպէս Աղձնեաց բղեշխուրի, նոյնպէս և Արծրունեաց բնագաւառն եղել է Արզն, Արձն գաւառը, որ Աղձնիքում է, Սասնու հարաւային կողմերում:

Ակսպէս պատմութիւնից տեսնում ենք, որ Աղբամելէքի և Սանասարի սերունդները տիրել են Տօրոսեան լեռների ձիւղերում, Աղձնեաց, Մոկաց, Վասպուրականի և Ծովուքերանի սահմաններում, և հին ժամանակներից կազմել են Հայաստանի հզօր նախարարութիւններից երկուսը, արևմուտքում Աղձնեաց բղեշխութիւնը, իսկ արևելքում՝ Արծրունիք: Ակս նախարարութիւնները մեր պատմութեան մէջ մեծ գեր են խաղացել, սկզբում Աղձնեացը, իւսուկ Արծրունեացը, և քանի որ մեր նախարարութիւններից շատերի մասին կալին զրոցներ, սպասելի էր, որ արդ ցեղակից նախարարութիւնների մասին ևս լինէին ժողովրդի մէջ զրոցներ: Արծրունեաց մասին եղած մի զրոցի բովանդակութիւնը, որ վերը բերեցինք, լիշում է Խորենացին. բայց Աղձնեաց մասին հին զրոցների փշատակութիւն չը կաէ. միան ԺԱ. դարու պատմիչ Արիստակէս Լատովիկերտցու մէջ գտնում ենք մի կտոր. «Իշին զօրքն ի լեռնէն Սիմն կոչեցեալ, զոր մարդկան սովորութիւն Սանասունք ասեն ըստ անուան նախնւոն իւրեանց» (Լատո. իս. զլ.), որից երեսում է, որ ԺԱ. դարում Սասնու կամ Սիմ լեռան ժողովուրդը զեռն ունեցել է կենդանի զրոցներ իւր նախնիքների մասին, և մինչև անդամ լիշելիս են եղել, որ Սանասարնք, ակմենան Սասուն, անունը դուրս է գալիս իրանց նախնուց, հաւանականօրէն Սանասարից, որ, ըստ Խորենացուն, Աղձնեաց բղեշխուրի նախահալրն է:

Այդ աւանդութիւններն անշուշտ հնութիւնից, Սասունցոց նախնու ժամանակից, և կած, հասած պէտք է լինէին մինչև լաստիվերացու ժամանակ-ները. և որովհետև Տօրոսեան լեռներում բնակող հայ ժողովուրդը, ինչպէս վերևում նկատել ենք, պակաս տեղափոխութիւններ են կրել և աւելի են պահնել իրանց նախնական առանձնութիւնները, ուստի և մնեք պիտի սպասէինք, որ մինչև մեր օրերն իսկ պահւած լինէին աշնանդ զէթ սոսկ աւանդութիւններ իրանց նախնիքների մասին, որ են Աղձնեաց բղեշխ-ները և նրանց ցեղակից ու սկզբում մօտիկ ապրող Արծրունիները. Եւ մնեք աչժմ դանում ենք ոչ լոկ աւանդութիւններ, ազ ամբողջ ժողովրդա-կան վէպ, որ, չը նակելով դարերի ընթացքում կրած փոփոխութիւններին, ակնապտնի երեսում է, որ նոր վէստ չէ և վերաբերում է վերոգիշեալ երկու իշխանական տների ծաղմանը և նրանց սերծդին:

Դ.

Ակս ենթադրութիւնը՝ թէ արժմեան Աբամելիքի և Սահասարի, Դաւ-թի և Մհերի վէպը Արծրունեաց և աւելի Աղձնեաց բղեշխների ծագման և սերնդի մասին է¹⁾, աւելի բացալաւտ է վէպի առաջին ճիւղից՝ Աբա-մելիքի և Սահասարի պատմութեան մէջ: Վէպի Սահասարը միենուն Խո-րենացու Սահասարն է կամ Աստուածաշնչի Սարասարը. իսկ Աբամելիքը Աստուածաշնչի Աղրամելէքը կամ Խորենացու Աղրամելը (Արդամողան): Հերոսների անօւնների նունութիւնից զատ, վէպի ամբողջ ընթացքն իւր աշխարհագրական տեղերի հետ միասին նունանում է Աստուածաշնչի և Խորենացու պատմութեանն և տեղերին:

Բաղդադու խալիֆան ներկալանում է փոխանակ Ասորեստանի (Նի-նուէի, որից հարաւ ընկնում է Բաղդադը) Սենեքերիմ թագաւորին, որ կռապաշտ է, ինչպէս և վէպի մէջ Բաղդադու խալիֆան: Ժողովուրդը Նի-նուէի թագաւորին անուանում է Բաղդադու խալիֆակ, որովհետև Նինուէն և իւր թագաւորութիւնը, խորին հնութիւն ունենալով, ժողովրդի վշողու-թիւնից դուրս են եկել և նրանց փոխանակել է աւելի նոր ժամանակների Բաղդադու մահմենդական խալիֆակութիւնը. բայց միանդամակն ժողովուրդը վէպի մէջ չէ մոռացել, որ աչդ կողմերում նստող (Նինուէի) թագաւորը կռապաշտ է եղել, ան ինչ Բաղդադու խալիֆաները կռապաշտ չեն եղել: Ակսպէս տեղն և անունը ժամանակի ընթացքում փոփոխութիւն են կրել— թէպէտ և տեղը Նինուէից շատ էլ չէ հեռացել—բայց կռապաշտական կեան-քը նուն հինն է մնացել, թէպէտ և ոչ հակերի համար, որովհետև ժողո-վուրդը չէ հաւատում, թէ երբ և իցէ հակքրիստոնեաները կարող էին կռա-պաշտ լինել: Վէպի մէջ զիշտում է և Բաղդադու խալիֆաների արշաւանք-

¹⁾Տե՛ս պ. Ս. Մանդինեանի «Աղդային Դիցազնական Աշխարհի» յաւելւածը:

ները դէպի Հալաստան. իսկ պատմութիւնից յարանի է, որ Աստրեստանի թագաւորները շատ անդամ արշաւել են Հալաստանի վերակ և մինչեւ անդամ նրանցից մէկի, Թակլատ-Պալասարի արձանը զանւել է արեմուեան Տիգրիսի վերին հովիտներում, Տօրոսեան լոռների մէջ: Հալոց յարաբերութիւնը Աստրեստանցոց հետ թէ Խորենացուց և թէ սեպագրութիւններից յակտնի է:

Վէպի մէջ Սահասարն և Արամելիքը իրանց հօր ձեռքից փախստական զալիս են Հալաստան. Նրանք դիմում են Արղուումի, Կարսի ամիրաներին, որոնք չեն ընդունում նրանց, վախենալով Բաղզաղու խալիքայից. Նրանք զալիս են վերջապէս Կապուտկողի թագաւորի մօտ, որ նրանց ընդունում է: Հետաքրքիր է ալսոեղ աճ կէտը, որ վէպի մէջ Հալաստանում ալդ հին ժամանակներում զուրս է զալիս մի թագաւոր՝ Կապուտկողի թագաւորը, և միւս քաղաքներում՝ Կարսում և Արղուում նատող հասարակ ամիրաներ, որոնք միենոն հին նախարար-իշխաններն են, միայն ժողովրդի վշողութեան մէջ միջին դարերի պատմական կեանքի աղղեցութեան տակ ամիրակի փոխւած: Սուն իշխանական դրութիւնը եղել է Հալաստանում և ալդ հին, սեպագրական ժամանակներում,—մի մեծ իշխան և Երկրորդական բաղմաթիւ իշխաններ, որոնք աւելի թուլ են եղել և ենթարկւած մուծ իշխանին: Ասորեստանցոց հետ ունեցած յարաբերութեան մէջ զլսաւոր առաջնորդը եղել է մեծ իշխանը, ինչպէս և վէպի մէջ նախարար-ամիրաները չեն համարձակուում տեղի ապաստանի տալ Ասորեստանի թագաւորի փախստական որդիներին, իսկ թագաւորը տալիս է: Ավանս որ վէպի մէջ չէ վիշւած Կապուտկողի թագաւորի անունը, որ տեսնէնք թէ մնացած կը վլնէր արդեօք մեծ իշխան Սկալորդու անունը, որին է տալիս Խորենացին Սենեքերիմի որդիներին ընդունելը: Սկալորդի անունն իսկ մի վիշպական կոչում չէ, որ առնւած է պասպիսի վէպերից:— Խորենացու պատմութեան մէջ Սկալորդին թագաւոր չէ անուանւում, բայց նա հայն է Պարուբի, որ առաջին պսակաւոր թագաւորն է Հալկազանց թագաւորների մէջ, որով և վէպի մէջ եղած թագաւոր կոչումը շատ չէ հեռանում պատմութեան մէջ վիշպական հաջոց թագաւորութեան ժամանակից: Միայն մի տարբեր կէտ կաէ պատմութեան և վէպի մէջ, աճն է, որ վէպի մէջ Կապուտկողի թագաւոր է վիշում, իսկ պատմութեան մէջ մեր առաջին մեծ իշխանները և թագաւորներն Արարատում էին նստում, թէպէտ և նրանց ենթարկւում էր և Հալաստանի հարաւալին մասը: Կապուտկող կամ Կապուտառն կամ Ընձաքիւրա լեռներն ընկնուա են Վանակ լճի հարաւալին կողմը, լճի մէջ խորը մանող հրանդանի վերապ: Փ. և ԺԱ. դարերում Կապուտկողին մօտիկ, վէպի արքելք՝ Ռշտունեաց Ռստանում և Աղթամարում նստում էին Արծրունեաց կամ Վասպուրականի թագաւորները, որոնց ձեռքին էին ադր կողմերը, Կարելի է կարծել, որ վէպի և պատմութեան ալս աշխարհազրական տարբերութիւնն ես ժամանակի ընթացքում կրած փոփոխութիւն է, որով ժողովուրդը թագաւո-

րին նստեցնում է ալճուղ, որ իրան առվի մօտ է և ուր առվի մօտիկ ժամանակներում նստել են հայ թագաւորներ:

Կապուտիողի թագաւորը Սանասարին և Արամելիքին առվի է քառասուն տուն սամիկ ժողովուրդ, որոնց լնակեցնում են իրանց նոր շինած բերդում, որ թագաւորն իբրև կալած նրանց էր բաշխել բերդի անունը դնում են Սանսուն, Սասուն, որ Սիմ լեռան հարաւային կողմում է¹⁾: Նրկու եղբայրներն իրանց իշխանութիւնը հետջնետէ ընդարձակում են Սասունից գուրս դէպի հիւսիս. «Ան-սարի բոլոր ու չուր Ծծմակազքիթ» Մշու վերեով պատան քաշած եղած են չուրի Սևանարքու զօտինը վի ձապաղջրու դուրան ու զըդ բիթուն լէ զաւթեց (Արամելիք)… որ մ' լէ զարկեց գնաց չուրի Մըսըր, ու Մըսըր լէ զաւթեց»: Ան-սարը միմնուն Սիմ լեռն է, տորա հիւսիսային ձիւղերից մէկն է Ծծմակազքիթ սարը, որ Մշու արենելան կողմում է, մօտ երեք ժամ հեռու Մշուց²⁾ և որի վերակ Գաւկիթը գութանին լծւելով քաշեց մինչև Մառնիկ գիւղը, որ Մշու հարաւային արենելան կողմում է, Սիմ լեռից հիւսիս ձապաղջուրը ընկնում է Արածանու աջ ափին՝ Բալուից արենելք, Բինդեօլ լեռների հարաւային-արենմուեան կողմը: Անդան-սարի գոտին, վէպի նկարագրութեան համաձայն, պիտի ընկնի ձապաղջրի մէջ, ո. Կարապետի վանքից արենմուտք և պէտք է Բինգուլից դէպի հարաւային-արենմուտք ձգուղ ձիւղերից մէկը լինի: Խոկ Մըսըր կամ Մըսուրը, Մսրակ քաղաքը: որ վէպի մէջ չատ է լիշտում և որ կազմում է Սասունին թշնամի մի տէրութիւն, սխալ իմացութեան տեղիք կարող է տալ իւր համանուանութեամբ Եղիպատոսի Մըրը կոչման հետ: Մինչև անգամ պ. Ս. Մանդինեանը իւր զասագրքի մէջ (Ազգ. Գիւցազն. Աշխարհ) Մըրը զարձրել է Մուսոլ (Մոսուլ), որ հին Նինուեի անդերունն է, Տիգրիս գետի վերակ: Բայց Մուսուրը, որ Հայաստանից դուրս է, չի կարող Մսրակ քաղաքը լինել. Էնց վէպի նկարագրութեան ընթացքից

1) Պ. Գարագաշեանն իւր՝ Խորենացու խիստ քննագատութեան մէջ ամեն կերպ ջանալով ապացուցունել թէ Խորենացին իւր պատմութիւնը (հին մասը) մէճ-մասամբ իրանից է յերեւում, իբրև փաստ ըերումէ և այն, որ երը թէ Խորենացին Սանասարին Սիմ լեռան կողմում է ընակեցնել տալիս, միայն Սիմ և Սանասար անունների նմանութիւնից հանելով. Խորենացին ճայ նմա (Սկայորդւոյ) բնակեցացնել զՍանասար, Սիմ և Սանասար անուանց ձայնի նմանութեան հայելով (?), Սիմ լեռան, այսինքն Աղձնեաց կողմը… Խորենացին Սիմ անուն և Սանասարյ կը թուի հաներ (Գար. քնն. պատմութիւն հայոց): Թէ Խորենացին այս պատմութիւնն երանից չէ հնարեկ և ունեցել է աղքեւը, եթէ ոչ զբաւոր, գէթ ժողովրդ ական, ըտնաւոր, զբան վկայ է մինչև այժմ կենդանի մասցած վէպը, որով Սանասարը Սիմ լեռան հարաւային կողմը, Սասունում է ընակում: Սիմ և Սանասար անունների մէջ, ինչպէս պ. Գարագաշեանը նմանութիւն չէ գտնում, Խորենացին ևս չէր դանիլ. բայց կայ նմանութիւն Սանսու-ար և Սանասո-ունք (Սասուն) անունների մէջ:

2) Տեղագրութիւնք է Փ. և ի Մ. Հայու հ. Սարգսեանի. եր. 227:

երեսւմ է, որ Մըսըրը պիտի ընկնի Տօրոսեան լեռների հիւսիսալիին կողմը, ձապաղջրից արեմուտք, որովհետև վէպը որոշում է Աբամելիքի իշխանութեան հիւսիսալիին սահմանները արենելքից արեմուտք, որ են՝ Ծծմակալքիթ, Մշու հիւսիսալիին կողմի պատ քաշած լեռներ, Սեղան-սարի զօտի, ձապաղջուր և վերջապէս՝ ամենից արեմուտք՝ Մսըր, կամ Մորակ քաղաք, որպիսի կոչմամբ միշտ վիշում է մեր վարիանտում: Փաւոսոս Բիւզանդի մէջ կատ մի ալսպիսի կտոր, ոչչ (հայր Մարգարիան) լափն գեսողն հոսանցն Եփրատու, հոլիտսն թաճճրախտուն անտառին, ի գետախառնունան երկուց (հիւսիսալիին և արենելեան Եփրատ) ... որ ի տեղուջն ի հնոցն իմն լինած քաղաք՝ զոր չինեալ Սանատրուկ արքալի, որում անում տեղուն Մ ծ ու ր ք կոչի» (Բիւզ. չորր. դպ. մդ. գլ.): Աքժմ ևս նոյն տեղում Աբամուտք ափում, հիւսիսալիին Եփրատի խառնութիւն մօտիկ, ընկնում են Մնծուր լեռները: Փ. Բիւզանդի վիշած սոյն Մծուր դաւառը, իւր քաղաքով, պիտի լինի և Մըսըրը կամ Մորակ քաղաքը (Մծրակ քաղաք). Խիւրքական արտասանութեան ազգեցութեան տակ ծ. տառը հեշտութեամբ փոխում է շ.-ի կամ «-ի. մանաւանդ թէ լաւ ասած, քրդերի մէջ բնակող հայերը չ չունին, ազ միշտ ո կամ « փոխանակ ծ.-ի¹⁾»:

Սանասարի և Աբամելիքի կալւածների իրրե պարզե ստանալը թագաւորից և ադր կալւածների ընդորձակումը վիշատակութիւնից աղն տարբերութեամբ միայն, որ պատմութեան մէջ Ազգնիքում և դէպի արենելք է վիշտում, իսկ վէպի մէջ Տուրուքերանում և զէպի հիւսիս: Ազս տարբերութիւնը չառաջացած պիտի լինի նորանից, որ միջին գարերում Սաստնցիք յարաքերութիւն ունէին աւելի հիւսիսալիին կողմների տիրապետների հետ, և, է. դարից սկսած, մինչև անգամ Աստուն արդէն միացած էր համարուում Տարօնի հետ²⁾ և գտնուում էր Մամիկոնեանց ձեռքին մինչև Ժի. դարը, երբ որ Ազգնեաց բգեշխութիւնն ալ ևն չը կար, իսկ Արծրունիք Վասպուրականում էին, Կարելի է ասել և ան, որ հ. Արուանձեանի վարիանտի պատմողը, Մշու կողմերից լինելով, վիշատակում է Մշու մօտիկ աշխարհագրական անուններ. եթէ մեր Մոկացու պատմածի մէջ ևս Աբամելիքի և Սանասարի պատմութիւնը լինէր, թերեւս աճնանդ զէպի հարաւ և արենելք, ասինքն զէպի Մոկաց կողմերը ընդարձակւելը պատմէր, որ աւելի հին ժամանակին կը վերաբերէր և պատմութեան վիշատակութեան համեմատ կը լինէր:

Աստուածաշնչի մէջ Աբամասարն և Ազրամելիքն առաջ իրանց հօրն

¹⁾ Այժմ ևս Աբամանում, աջ ափում կիսո, Եփրատի խառնարանից քիչ արեւելք, կայ Մեղրէ յայտնի աւանը:

²⁾ Յովան Մամիկոնեան, Վենետ. եր. 13, և Մատ. Առուհայեցի Մս, թ. Հատ., ձղ.

սպանում են և լետով փախչում Հայաստան. իսկ վէպի մէջ հօրը սպանողը միայն Սանասարն է, որին «իւր պապու» (հօր) կոքեր չըն թողի որ ըգի (Սասուն) սըթրէր ու ելաւ խըստ էրեց ուր պապուն ու մամուն ու գնաց Բաղդադ»։ Այնտեղ Սանասարն իւր հօրը, երբ որ սա երկրպագոթիւն էր տալիս իւր միծ կոքին, սպանում է. «ու հեղմ՝ լէ վերոր կճաւ պապ, աըզէն... կուրդ մի իջաւ ու զպապ խալֆէն եօթն զազ գետին վար իջուց»։ Սանասարն իւր հօրն սպանելուց լետով Բաղդադում նստում է իւր հօր աթուր, իսկ Աբամելիքը մնում է Սասունում։ Ժամանակի աջ տարբերութիւնը, ինչպէս և Սանասարի կրկին Բաղդադ վերադառնալը, հարկաւ, կարող էին հաղարաւոր տարիների ընթացքում, բերնէ բերան աւանդելով, մղաշը ջւիլ:

Թէ ինչու Սենեքերիմի որդիքը Հայաստան և ոչ ուրիշ երկիր են փախել, պատմութեան մէջ չէ փշւած, թերեւ նորա համար, որ Հայաստանն ապաւինելու համար աւելի ապահով տեղ է եղել իբրև Ասորեանցոց հետ պատերազմող և նրանց չը հպատակող երկիր։ Վէպի մէջ կաչ և մի ուրիշ հանգամանք, որ հայրասպան եղբարներին Հայաստանում է ապավինել տալիս. ադ աճն է, որ Բաղդադու խալիֆապի կինը հաչ է եղել, ուստի և Աբամելիքն ու Սանասարը աւելի Հայաստանում իրանց մարդական ազգակաների մօտ կարող էին լուսալ ապատան գտնել, քան ուրիշ երկիրներում, որոնք բալորը Բաղդադու խալիֆաների մեռելներից էին փախչում, ուր մնաց կենդանիներից։ Թէպէտե վէպի մէջ Հայաստանի ամիրաներն ևս վախենում են և կապուտիզողի թագաւորն ընդունում է նրանց, չ'իմանալով թէ նրանք Բաղդադու խալիֆապի որդիներն են, բայց ադ վէպի աղաւազումն է միան, որովհետեւ վէպի ետեի մասից երևում է, որ երկու եղբարները թագաւորի ազգականն են։ «Մենք քո աւլատն ենք»—ասում են նրանք կապուտիզողի թագաւորին։ Բացի ադ կաչ մի անձնաւորութիւն, որ Աբամելիքի և Սանասարի քեռին է. քեռի թորոսը, որ թագաւորին՝ մօտիկ՝ մարդու գուրս գալիս, նորա հետ գնում է Սասուն, Աբամելիքի մահից լետով նա է կառավարում Սասունը, Աբամելիքի երեխաները նորանն են և նա է հոգ տանում նրանց մասին։ Դատաստանը նրանց քեռի թորոսին է հասցնում քան թէ Մսրամելիքին, որ նրանց խորթ եղբարըն էր¹⁾. մի խօսքով նա ներկաչանում է իբրև Աբամելիքի տան խնամակալը և թագաւորին մօտիկ ազատական ցեղից է եղել, նորա համար և երկու եղբարները հաջոց թագաւորի մօտ են ապաստան գտել։ Եթէ վէպի բոլոր փոփոխութիւնները դուրս ձգենք, կը ստանանք

¹⁾ Հ. Աբուանձտեանի վարիանոսում թէպէտե Մալամելիքը Աբամելիքի ոռղեննէ, բայց գարձեալ դուրս է՝ գալիս երբե օտար, թշնամի անձ։

հետեւալ բովանդակութիւնը, որ նոյնանում է Աղձնեաց բդեշխների և Արծրունեաց ծագման մասին եղած պատմական ցուցումների հետ.

«Ասորեստանի Սենեքերիմ թագաւորն (Նինուէ, Բաղդադու խալիֆայ) արշաւանքներ է անում դէպի Հայաստան։ Մի արշաւանքի ժամանակ հայոց թագաւորի ազգականներից, կամ ազատ տնից գերի տարած մի աղջըկաւ հետ ամուսնանում է։ Նորանից ունենում է երկու որդի՝ Սանասար և Աբամելիք։ Մրանք իրանց հօրը կռատան մէջ, երբոր նա երկրպագութիւն էր տալիս իւր մեծ կռքին, սպանում են և փախչելով Հայաստան, ապատանում են հայոց թագաւորի մօտ, որ իւր աղջկանը տալիս է Աբամելիքին և կալւած ու ժողովուրդ բաշխելով, իրանց քեռի Թորոսի հետ նրանց բնակեցնում է Սիմ լեռան հարաւային կողմերում, ուր հիմք են դնում Սասունին։ Աբամելիքի և Սանասարի սերունդներն ալնտեղ աճելով, տիրում են Սիմ լեռան շրջակաքին և կազմում են հայոց հզօր նախարարութիւններից մէկը, որ՝ ինչպէս մեր շատ նախարարութիւնները՝ ծագմամբ օտար է»։

(Կը շարունակւի)